

Aduertencias para

obtulerit, illa vtatur. Probat autem suam sententiam ex Doctissimo Nauarro in Manuall. Cap. 27. num. 45. vbi dicit, q̄ simplex ministerium absoluendi potest delegari etiam à delegato Ordinarii, & a subdelegato delegati Pape: quamuis non possint delegare suas iurisditiones, ratione quarum id eis competit, neque etiam aliquem articulum iurisdictionalē. Et ad hoc allegat, aliqua iura, & Felinum. Secundo probatur hoc idem ex Corduna vbi supra, qui dicit se credere q̄ virtute prefatę Cōmissionis non potest guardianus, & multominus eius Vicarius, committere generaliter alicui subdito, vel subditus suis predictam auctoritatem, vt possit absoluere, seu etiam absolvi quotienscunq;, & quomodocunq;, seu à quocunque etiā subdito suo, sed solum in particularibus occurrentibus possunt id committere alicui, vel aliquibus, seu etiam omnibus suis subditis, vt pro hac vice seu pro tali vice absoluant & absoluantur a reseruatib⁹ sibi concessis. Et ratio est, quia Commissarius particularis habens, facultatem committendi solum potest in casu particulari, & non vniuersaliter quotienscunq; & ad quemcunq; committere,